

元始无量度人上品妙經卷之十二

陰陽化生品

道言昔於太素皇極天中紫晨流光大善明土受元始度人陰陽化生无量上品元始天尊當說是經週回十過以召十方始當詣座天真大神上聖高尊妙行真人无鞅數眾乘空而來碧雲凝暉紫金交映瓊花四集天籟成音丹玉眞輿金華寶輦錦霞垂蔭絢彩蔚彰三素擁輪九眞齊轡七日七夜儀璘交照五緯澄明瑞霧騰空鬱林藹秀一國地土山川林木緬平一等無復高下土澤紺潤藥闕飛霞眾眞侍座元始天尊玄座空浮五色獅子之上說經一徧諸天大聖同時稱善是時一國男女明

道藏輯要

度人妙經

三

角集三
x88

悟生機不天天壽說經二徧陰陽合德玄醴昇和說經三徧飛仙蹈空靈眞布籙說經四徧神龍奮迅陰惡蠲消說經五徧綠室生烟神意照徹說經六徧卷芽甲拆陽德冲晞說經七徧生道普圓相儀周足說經八徧靈光垂蔭泉曲蒙恩說經九徧諸天諸地品彙生成說經十徧眾眞監盟顯示大法是時一國是男是女莫不傾心皆受護度咸得長生

道言是時元始天尊說經一徧東方无極无量品元化大神无鞅之眾浮空而至說經二徧南方无極无量品素威大神无鞅之眾浮空而至說經三徧西方无極无量品素威大神无鞅之眾浮空而至說經四徧北方无極无量品鬱微大神无鞅之眾

浮空而至說經五徧東北无極无量品鎮極大神无鞅之眾浮
空而至說經六徧東南无極无量品風輪大神无鞅之眾浮空
而至說經七徧西南无極无量品太霄大神无鞅之眾浮空而
至說經八徧西北无極无量品廣運大神无鞅之眾浮空而至
說經九徧上方无極无量品高玄大神无鞅之眾浮空而至說
經十徧下方无極无量品執成大神无鞅之眾浮空而至十徧
周竟十方无極天真大神一時同至一國男女傾心歸仰執持
寶幢花蓋紛委雲騎風騎億萬咸集仰仵天尊敷演陰陽化生
微妙大法无鞅之眾雜沓一國地發金玉惠露敷空於是元始
天尊於眉間飛出日月之光九芒十華大如彈丸去面九尺騰

道藏輯要

度人妙經

三

角集三

躍上下光芒激射須臾徧滿天地十方世界混然一色天人聖
眾凝瞻不捨日月交映化成一珠元色殊特見者驚異於此珠
中出見天文大字玉書真圖龍鳳寶章龜蛇之勢廓落采布又
於珠光之中見層觀危樓數仞鳳臺麟閣琪林華彩融麗碧虛
去此地境懸停百丈元始登引天真大神上聖高真妙行真人
十方无極陰陽化生至真大神无鞅數眾俱入神珠之中天人
仰看惟見拂拂從珠口中入既入珠口不知所在國人廓散地
還平正无復畝陷元始卽於神珠之內寶殿之中請命諸天上
帝統御陰陽調育化生諸天天尊八方真宰五老帝君長生大
君東極紫晨上官青華帝君皓真金庭祖炁元皇南曦昊靈玉

眞北玄水帝中黃太眞玉華靈妃太玄炁母九靈太妙陰陽化
生萬道元母高皇帝尊列坐其上十方暎見如隔瑠璃光炁合
冥空歌揚音其聲宛雅一和飄襲萬物遂成元始天尊顧眄仙
眾旋觀勝妙萬天敬禮龍騰虎擲化見五輪紫金光明圓象卽
撫流雲山水蔚翠離羅之帔攬雕瓊結珠金眞飛光之几宣告
眾眞曰此天文大字乃陰陽元根恍惚爲門神爲化本炁是生
因陰陽二物元本无名以其相求變化所通一浮一沉二順一
逆一剛一柔一內一外一陰一陽一龍一虎含孕構精故乃化
生太虛太虛生太无太无生太洞太洞生太空太空生太漠太
漠者在空玄无極之表交變陰陽以生二儀二儀生三才三才
道藏輯要

度人妙經

三

角集三

簡玉冊之內封於玄都玉京高上眞王玉清之府東華寶籙之內浩劫一開度人无量元始卽於神珠之內說經都竟衆眞監度以授於我當此之時喜慶難言法事粗悉諸天復位條歛之間寂無遺響是時天人遇值經法普得濟度明悟化生壽與天長傾土歸仰咸見道元化性化見化理化明化因生神生炁生精生動生物身有玉光聲洞靈音齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是上聖高尊陰陽化生眞王內諱百靈之隱名也非世之常辭

道藏輯要

度人妙經

三

角集三
X 8、

上聖已成眞人通玄究微能悉其章誦之十過諸天遙唱萬帝設禮天波泛瑞紫海凝煙日月吐輝璇璣迴耀羣魔束形鬼精滅爽回屍起死白骨成人至學之士誦之十過則五帝侍衛三界稽首魔精喪眼鬼妖滅爽濟度垂死絕而得生所以爾者以陰陽化生究其本始續絕繼傷還得性命之根以道爲父以德爲母以神爲師以生爲主穢炁普消體漸洞眞召制十方威制魔靈伏制地祇束縛妖爽但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到億曾萬祖幽魂苦爽皆卽受度
上昇朱宮格皆九年受化更生得爲貴人而好學至經功滿德
就皆得神仙飛昇金闕遊宴玉京也上學之士修誦是經皆卽
受度飛昇南宮世人受誦則陰陽順化生道入身延壽長年後
皆得作尸解之道神魂暫滅不經地獄卽得返形遊行太空此
經微妙普度無窮一切天人莫不受慶無量之福生死蒙惠上
天所寶不傳下世至士齋金寶效心盟天而傳輕泄漏慢殃逮
七玄責役冥官侍經五帝玉童玉女各二十四人營衛神文保
護受經者身

道言正月長齋誦詠是經上贊天地以時化生枯林槁榦盡得

道藏輯要

度人妙經

卷

角集三
X 16

繁榮白骨朽骸天和播精眞液內滋赤書經營太玄生符招還
百神爲上世亡魂斷地逮役度上南宮七月長齋誦詠是經天
眞下直萬寶遂登陰化陽生革堅膚凝五華結秀丹魂耀靈鑄
鍊綠骨金髓玉筋身得神仙諸天書名黃籙白簡削死上生十
月長齋誦詠是經玄一在前眞一在後太一居中陰陽合湊恍
惚至神混然太樸道運日新爲國王帝主君臣父子安鎮國祚
保天長存世世不絕常爲人君安鎮其方民稱太平八節之日
誦詠是經八景聚神元炁交并陽施陰納質具性眞周回還返
金書紀名入門九室隨意飛昇得爲九宮眞人本命之日誦詠
是經胎眞始生生本太眞陰陽順道天福自然魂魄保固萬炁

俱仙不經千試壽歷綿綿天元定籍大魔列言萬神朝禮名書
上天功滿德就飛昇太玄

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲炁之中內外翳冥有青龍白虎朱雀玄武獅子白鶴羅
列左右日月照明洞煥室內頂生圓象光暎十方如此分明
密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御

道藏輯要

度人妙經

三

角集三
リミ

无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章陰陽化生十轉度人天元隱韻混洞自然
浩劫難名陰陽結精含霄貫炁大象開明動極成炎靜極成泉
陽噓陰吹感化兆元龍呼於山虎投於淵龍出於火反復化生
玄波妙有虛極成形五運肇闢金真成天玉宮瑤闕九翠崇山
內都億靈主校萬仙玉精凝華雲章寶篇六十四體支變八千
陰陽炁交化生赤文无文不神无文不明无文不立无文不形
无文不化无文不昇是爲大梵天中之天恍惚存亡真道推遷
兆知其妙化體爲仙仙貴長生生炁綿綿九天鳳炁大有之山
下鎮百關長谷太元百二十官環拱太玄大行梵炁周回十方

道藏輯要

度人妙經

卷

角集三
X夕川

中有度人不死之神中有南極長生大君中有東林安寶帝君
中有度世司馬大神中有好生韓君丈人中有南上司命司錄
延壽益算度厄尊神回骸起死无量度人今日校錄諸天臨軒
東方无極道憲神王長生大聖无量度人
南方无極神應神王長生大聖无量度人
西方无極炁合神王長生大聖无量度人
北方无極玄一神王長生大聖无量度人
東北无極陽範神王長生大聖无量度人
東南无極陰境神王長生大聖无量度人
西南无極正性神王長生大聖无量度人

西北无極意化神王長生太聖无量度人

上方无極感妙神王長生大聖无量度人

下方无極眞精神王長生大聖无量度人

十方陰陽化生神王長生度世无量大神並乘瓊文紫霄玄車
景耀流光之輦飛空羽蓋碧霞回映積珠丹輿素雲垂蔭虛轉
虹輪驂駕神鳳白虎持十華之旛建命魔之節暉映雲錦之旒
泛蕩紫瓊之旌天龍靈獸嘯歌嚕嚕元皇啟途妙行翼轅億乘
萬騎浮空而來傾光回駕監眞度生太微天帝玉闕至眞中央
黃老元素道君總執洞章齊到帝前陶鎔鍊化簡告諸天情識
因緣五行變化三元九署品類聖凡下校三界无極神鄉太丹
道藏輯要

度人妙經

三

角集三
又上川

鬱霞紫度炎光玉晶金馬石景中方天津帝臺冥關扶桑交灌
濯羅變合陰陽簡閱玉籍正道明輪域於陰陽二炁交并以植
萬品開化元根生知妙元歸復神精三宮流運玉闕生華身得
神仙福及後昆拔度上世九祖七玄疾除黑簿削落罪愆不得
沈留速啟冥關虛皇告命時刻昇遷北都寒池部衛形魂陽化
其魂陰生其形形魂合道飛度朱陵逍遙解脫昇化種民萬生
欣慶隨運長存因緣輪轉與天齊年永度大魔干試之難超凌
三界逍遙上清上清之天天帝鬱玄無色之境梵行

東方八天

陰陽化生之天起於西北兆於子位
出於東北生於東齊於東南相見乎
離成實於西隨日
之度以立天分

玉華元明天

帝嗣都元

墟極化度天

帝柳題灌生

萬甯重暉天

帝震光理監

玄期耀和天

帝需密爰芻

會昌鬱明天

帝嶽澄變徒

扶搖恭靜天

帝飄偃停隆

太易洞浮天

帝傳溢滋

玉光盈虛天

帝真玄昇

南方八天

炎明號名天

帝約遞淵圖

道藏輯要

度人妙經

天

角集三
一三五

鳳烝丹華天

帝治乾方超

朱靈彤輝天

帝泰无萊

紫素禁理天

帝龍角爛基

輝神仙契天

帝圓力寶昌

化應奉晨天

帝梵陽尙玄

務猷合眞天

帝鬱靈標

重離洞陽天

帝僅宗九虛

西方八天

雲景利眞天

帝祖璫元名

流輝素眞天

帝保盟壽天

太華慶昭天

帝妙羅永神

極肇啟宗天

帝敷回正旂

金耀九司天

帝辯伯史英

浩都寶光天

帝靈元昌同

同作

太明監化天

帝三塗元

明梁元素天

帝暎神圓

北方八天

玉林元上天

帝裔玄本英

含景太真天

帝嚴固永期

龍頤壽安天

帝歸炁祖道

道藏輯要

度人妙經

元

角集三

流明玉清天

帝尊太液初

妙極周化天

帝號奕太无

紫蓋耀離天

帝泰定惠光

玄凝神秀天

帝杜吉元公

淵明澄虛天

帝晶天中皇

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神天中大魔天中之靈
九陽十陰變化生根无量之奧深不可詳敷落神真普度天人
陽胞陰胎胎固以神神爲心本心以意行心意合道寓以強名
不知自然神則變遷途隙守之神化爲丹丹化炁祖玄化綿綿

陰施陽華鍊精保神魂永固合景飛昇遊宴八極結滯散開
九元妙本立境生關混沌大劫三道交騰魔王監舉无拘天門
東斗陽精西斗陰津北斗感胎南斗授生中斗運幹五炁混冥
青帝施政白帝布德赤帝養鍊黑帝化育黃帝守道萬神无越
青天魔王龍耀玄格赤天魔王丹靈感發白天魔王皓華玉澤
黑天魔王神閭通徹黃天魔王朱嬰藏月五帝大魔萬神之宗
飛行三界總領仙兵麾幢鼓節遊觀太空瀕洞陰方玄激神風
九陽元化三景羅空大小境域仙聖真公恍惚萬變猛馬毒龍
長矛倚天玉杵摧峯真符流火焚蕩祇凶九天前征大醜按嚴
列陣北都殺鬼億千千撓陰陽各遂化生三玄九官无使散離

道藏輯要

度人妙經

三

角集三
×××

瓊章上奏金馬騰飛普告无窮萬炁齊歸三界五帝大振元機
闕都洞清神光晦冥梵行周羅雲結爲京碧嶽浮空太倉竦庭
煙徊風搖鬱壘萬神帝元真炁彌盈百千原於一成支爲王嬰
陰道洪化陽魂秉權九變十合金闕暈聯緣窗吐日靈綱命仙
水爲太乙形若含蓮化生大神玉號精延錦衣瓊幘坐鎮萬天
亦自陰陽化生所傳五符瓊笈上道之元化生天地日月循環
太空九炁中有玉淵湛鏡內象星斗外躔天上天下无幽无冥
无形无影无極无窮溟滓大梵遼廓无光赤明開度運周自然
元始浩炁如雲如烟結空成字寶篆金篇赤書玉符八景玄文
保制劫運使天長存梵炁彌羅萬品恢張元綱流演三十二天

轉輪无色周回十方旋斗厯箕回度五常三十五分總炁上元
八景冥合炁入玄玄玄爲神母陰使陽官消息長養動靜洪纖
以否易泰以地合天左入於右後極於先至道之機太空无關
眞一等空化生之元化極而變變極而玄玄中太皇上景飛纏
朱霞舞空嘯詠合筵金眞朗耀流運雲宮玉章召炁玄風散煙
太霄鬱秀輔化飛仙千和萬合自然成眞眞中有神長生大君
洞房黃老青華帝君左右玉妃太一尊神司命在心桃康運精
腦膜赤文混黃元眞无无曰玄赤文命神執符把籙保命生根
上遊玉虛出入黃庭八冥之內細微之中下鎮人身泥丸絳宮
中理五炁混合百神十轉回靈萬炁齊仙仙道貴生无量度人
道藏輯要

度人妙經

三

角集三
川文

上開八門飛天法輪罪福禁戒宿命因緣普受開度死魂生身
身得受生上聞諸天諸天之上各有生門中有太空合變之章
魔王隱文辭參高眞

第一欲界魔王陰陽化生延壽隱訣

太一空元

脩然獨居

靜極生動

陰陽乃育

陽火陰水

流運周足

中以太和

萬炁齊鮮

冥通妙應

黃房發煙

白雲之門

有炁如泉

以彼取此

以此得彼

流轉无窮

神定則止

赤入於黑

黑還於赤

或守以雄

或守以雌

感化情性

長生保茲

第二色界魔王陰陽化生神仙隱訣

溟滓无色

太空晦黑

二物相吞

忽生混沌

梵炁交度

九萬餘億

玄定神生

天精赫奕

圓經千里

中有神文

龍鳳曲折

變化三靈

玉京玄山

九真鳳炁

金井澄露

涓涓滂沛

絳闕萬天

生同根柢

復本去華

上升仙家

子若心得

道藏輯要

度人妙經

三

角集三

吸咽流霞

流播琅玕

玉芝丹砂

非妙莫窺

日轉龍車

第三无色界魔王陰陽化生天地隱訣

欲色既盡

无色見前

恍惚空洞

中隱萬天

无色意存

意真惟精

意召卽至

五辰三奔

日精月華

光耀生根

方寸神宮

宮羅玉真

心火九陽

鍊骨成金

上極无上

下極淵源

火令急速

飛龍入巡

自陰自陽

化生隱存

天地大鼎

水火中分

不知生端

見道无門

生從感悅

神炁至精

霏霏瑞露

灌治羣靈

三界安立

大漠渾淪

乘龍飛霄

羽蓋青裙

此三界之上飛空之中魔王歌音音參洞章誦之百徧名度南
宮誦之千徧魔王保迎萬徧道備飛昇太空過度三界位登仙
公有聞靈章魔王敬形敕制地祇侍衛送迎拔出地戶五苦八
難七祖昇遷永離鬼官魂度朱陵受鍊更生是謂无量普度无
窮有祕上天文諸天共所崇泄漫墮地獄禍及七祖翁

道言此二章並是諸天上帝及至靈魔王隱祕之音內明陰陽

道藏輯要

度人妙經

三

角集三

化生天地媾精萬物孕成之密要人知其要則久視延年神仙
不死大則上法三尊生天立地養育混沌中則移易陰陽卷舒
造化仰合天德下則龍虎陰陽混合百神迴風紫煙道和百節
潛用五行陰陽變泰以至得道皆是大梵之言非世上常辭言
无韻麗曲无華苑故謂玄奧難可尋詳上天所寶祕於玄都紫
微上宮依玄科四萬劫一傳若有至人齋金寶質心依舊格告
盟十天然後而付焉

道言夫此經元始天尊說陰陽化生之道誦之者生德自昌不
見終滅以內隱陰陽祕諱生炁致祥之理惡禍併消自得元吉
若天地運度否終日月五星虧盈聖神休否未學疾傷凡有此

災同烝皆當齊心修齋六時行香十徧轉經福德立降消諸不祥无量之文普度无窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法陰陽二官爲化生神炁五臟自生還白童顏神魂徑上南宮隨其學功計日而得更生轉輪不滅便得神仙

道言混沌大器中有神風主營生化隨時噲張有如橐籥陰陽爲神往來其間神炁相投剛柔構精自然化生而不知其生生亦无端不見其垠誦詠此經生神來降故烝蕩絕天地運終星宿錯度日月失昏四時失度陰陽不調國境不豐兵革侵寇疫毒流行兆民夭傷師友命過皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得爲聖君金闕之臣諸天記人功過毫分无失天中魔王亦保舉爾身得道者乃當洞明至言也

諸天中大梵隱語无量音 道君撰
元始靈書中篇

東方八天

道藏輯要

度人妙經

壽

角集三
川文

谷元子丹

玄育滋明

閔恪祕爐

宏池閱銘

宏陰起陽

三素飛精

北靈偶文

无容孕真

玉峯金泉

神液靈清

終核碧包

元根神臯

巨朗吟穴

皓震分交

化漑大源

華生寶遊

南方八天

庚糅心液

龍濤密芒

明霞滄鈇

巢火晉褱

渙浹顥英

養朱成膏

壁燦液露

亭曲華台

意雷迅飄

道藏輯要

度人妙經

三

角集三

九旗洞招

烈煙混微

鼓治凝飴

珞殊忻契

黃室和媒

雄守太廓

雌抱玄脂

西方八天

焰輪赤靈

交映斗卿

鼎濟轉青

酆制威摧

丙求癸朋

爽秀西冥

太邱紫炎

光蒸晨離

萌化尾氏

煥燭清微

生變質剛

混易筵儀

句土動箕

堂耀蔚啟

霄瓊復施

汪縻鄒岐

北方八天

歲真熏都

毛嶠乾妹

混綿市鈴

輔恢團隴

盜幾運召

愍帝迂通

私得還冥

泥文紫朦

无寂眇邈

行真嵎蓬

全利廣生

大眇玄穹

遠宙毫忽

龍隱仙蹤

海宗廓翟

玉崑神宮

道言此諸天中大梵隱語无量之音舊文祕於紫微上宮以明陰陽化生神變造立三界之真機大道之奧蘊五色之雲蟠回成字紫金爲界龍錦爲篇字皆廣長一丈天真皇人昔書其文

道藏輯要

度人妙經

三

角集三

以爲正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上真道備尅得遊行三界昇入金門此音無所不辟無所不禳無所不度無所不成天真自然之音也故誦之致飛天下觀上帝遙唱萬神朝禮三界侍軒羣祇束首鬼精自亡琳瑯振響十方肅清河海靜默山嶽吞煙萬靈振伏招集羣仙天無氛穢地無祲塵冥慧洞清大量玄玄也